

շառքով և ուրիշ աչք կուրացնող խարդախութեամբ կը լինի :

24. «Հովիւ Սիսօ». Ծպտեալ Սուլթան Մուրատին կը հիւրասիրէ, որուն փոխադարձ այց տուած ժամանակ ըսեր է. «Այս պալատը անտարակոյս հօրենական ժառանգութիւն է» . Սուլթանը անոր գիւղեր է նուիրեր Պայագլիտի մէջ. Պէրլուկան ցեղի չէֆերը այս մարդու ընտանիքէն են և կը բնակուին Պայագլիտի ու Մակաւի միջև Ժէրպէրանը :

25. «Զինար աղա և Լէյլի». Սիրահարութիւն ու սպանութիւններ :

26. «Իսմայիլ աղա և Թարլան աղա». Երկու ցեղապետներ՝ վերջինը վարձուած քիւրդով մը կ'ուզէ սպաննել առաջինին, այդ առթիւ թշնամութիւն ու վրէժխնդրութիւն Շիկէֆթի և Հէրքի ցեղերու միջև :

27. «Մուլլա Մուհամմէտ». Ինքզինք կը կեղծէ իբր Յոյն հոգևորական ու Շէյխ-իւլ-Իսլամի մօտ երթալով կ'երեցնէ որ եկեր է սովորելու կրօն ու լեզու . իրբև նորուս՝ և այնքան յաջող գտնուելու առթիւ, վերջապէս կ'ընդունուի կայսեր ներկայութեան, շատ մը գիւղեր կ'ստանայ նուէր ու դառնալով Սիւլէյմանիյէ՝ դպրոցներ կը բանայ Բիւրդիստանի մէջ : Բըրդական կրթութեան ու հայրենիքի գաղափարը :

28. «Կէրլի և Էհմի» (երկու եղբարք) . Կռիւ Արաքներու հետ . քաջութիւններ՝ քիւրդ ցեղի անունը ստոր ճանչնալու դէմ բողոքելու համար :

29. «Ահմէտ Ֆադի». Հայ Մատօն կը խեղդէ Ահմէտ Ֆադիին :

30. «Միր Եգտին-Շէր և ծառայ Գուլօ». Առաջինը Հէքիարիի իշխանն է, միւսը հայ ծառան . իշխանը կ'սպառնայ ծառային՝ որ նա յարգանք չի տածեր դէպ կրօնը . այդ առթիւ՝ նա իր հոգւոյ փրկութիւնը գտնելու համար կը դիմէ այս անգամ մուլլաներուն, մուլլաներ իրեն խորհուրդ կուտան որ դպրոցներ բանայ : Կայ և սիրային կասկած Խանուսի և Գուլօի համար :

Այսքանն ալ կարծեմ բաւական է :